

qui sacerdotio fungerentur in domo Domini Dei nostri:
 48. & adduxerunt nobis secundum manum validam Domini Dei nostri viros peritos: ex filiis Moholi, filii Levi, filii Israël, Sebebian, & filios & fratres, qui erant decem & octo:
 49. Asbiam, & Amin ex filiis filiorum Chananæi, & filii eorum viri viginti.
 50. Et ex his qui templo serviebant, quos dedit David, & ipsi principes ad operationem Levitis templo servantium ducenti viginti. Omnia nomina significata sunt in scripturis.
 51. Et vovi illic ieiunium iuvenibus in conspectu Dei, ut quærerem ab eo bonum iter nobis, & qui nobiscum erant, & filiis, & pecoribus propter infidias.
 52. Erubui enim petere à rege pedites & equites in comitatu, tutelæ gratiâ contra adversarios nostros.
 53. Diximus enim regi, quoniam virtus Domini erit cum eis qui inquirunt eum in omni affectu.
 54. Et iterum deprecati sumus Dominum Deum nostrum secundum hæc: quem & propitium habuimus, & compotes facti sumus Deo nostro.
 55. Et separavi ex plebis præpositis, & sacerdotibus templi viros duodecim, & Sedebian, & Afannam, & cum eis ex fratribus eorum viros decem:
 56. & appendi eis aurum & argentum & vasa sacerdotalia domus Dei nostri, quæ donaverat rex, & consiliarii eius, & principes, & omnis Israël.
 57. Et cum appendissem, tradidi argenti talenta centum quinquaginta, & vasa argentea talentorum centum, & auri talenta centum,
 58. & vasorum aureorum septies viginti, & vasa ærea de bono æramento splendentia, duodecim, auri speciem reddentia.
 59. & dixi eis: Et vos sancti estis Domino, & vasa sunt sancta, & aurum, & argentum votum est Domino Deo patrum nostrorum.
 60. Vigilate & custodite, donec tradatis ex plebis præpositis, & sacerdotibus & Levitis, & principibus civitatum Israël in Ierusalem, in pastophorio domus Dei nostri.
 61. Et hi qui susceperunt sacerdotes & Levitæ aurum & argentum & vasa, intulerunt in Ierusalem in templum Domini.
 62. Et promovimus à fluvio Thia, die duodecima mensis primi, usquequo introivimus in Ierusalem.
 63. Et cum factus fuisset tertius dies, quarta autem die ponderatum aurum, & argentum traditum est in domo Domini Dei nostri, Marimoth filio Tori sacerdoti:
 64. & cum ipso erat Eleazar filius Phinees: & erant cum ipsis Iofadus filius Iesu, & Medias, & Banni filius Levitæ ad humerum, & ad pondus universa.
 65. Et scriptum est pondus ipsorum eadem hora.
 66. Qui autem venerunt ex captivitate, obtulerunt sacrificium Domino Deo Israël, tauros duodecim pro omni Israël, arietes ologinta sex,
 67. agnos septuaginta duos, hircos pro peccato duodecim, & pro salute vaccas duodecim, omnia in sacrificium Domini.
 68. Et relegerunt præcepta regis regalibus dispensatoribus, & subregulis Cælesyriæ, & Phœnicis: & honorificaverunt gentem, & templum Domini.
 69. Et consummatis his, accesserunt ad me præpositi, dicentes: Non segregaverunt genus Israël, & principes, & sacerdotes, & Levitæ,
 70. & alienigenæ gentes & nationes terræ immunditias suas à Chananæis, & Hethæis, & Pherezæis, & Iebusæis, & Moabitibus, & Egyptiis, & Idumæis.
 71. coniuncti enim sunt filiabus eorum & ipsi, & filii eorum. Et mistum est semen sanctum alienigenis gentibus terræ: & participes erant præpositi, & magistratus iniquitatis eius ab initio ipsius regni.
 72. Et mox ut audiui ista, conscidi vestimenta & sacram tunicam: & lacerans capillos capitis, & barbam, sedi dolens & mœstus.
 73. Et convenerunt quotquot tunc movebantur in verbo Domini Dei Israël, ad me lugentem super iniquitatem istam, & sedebam tristis usque ad sacrificium vespertinum.
 74. Et confurgens à ieiunio, conscissa habens vestimenta & sacram tunicam, ingenuculans, & extendens manus ad Dominum,

75. dicebam: Domine confusus sum, & reveritus sum ante faciem tuam.
 76. Peccata enim nostra multiplicata sunt super capita nostra, & iniquitates nostræ exaltatæ sunt usque ad cælum.
 77. Quoniam à temporibus patrum nostrorum sumus in magno peccato usque ad diem hunc.
 78. Et propter peccata nostra, & patrum nostrorum sumus traditi cum fratribus nostris, & cum sacerdotibus nostris, regibus terræ in gladium & captivitatem, & depradationem cum confusione usque in hodiernum diem.
 79. Et nunc quantum est hoc quod contigit nobis misericordia abs te Domine Deus, & relinque nobis radicem, & nomen in locum sanctificationis tuæ,
 80. detegere luminare nostrum in domo Domini Dei nostri, dare nobis cibum in omni tempore servitutis nostræ.
 81. Et cum serviremus, non fuimus derelicti à Domino Deo nostro: sed constituit nos in gratia, ponens nobis reges Persarum dare cibum,
 82. & clarificare templum Domini Dei nostri, & ædificare deserta Sion, dare nobis stabilitatem in Iudæa, & Ierusalem.
 83. Et nunc quid dicimus Domine habentes hæc? Transgressi enim sumus præcepta tua, quæ dedisti in manus puerorum tuorum prophetarum,
 84. dicens: Quoniam terra, in quam introistis possidere hereditatem eius, terra polluta est coinquinationibus alienigenarum terræ, & immunditiâ illorum repleverunt eam totam immunditiâ suâ.
 85. Et nunc filias vestras non coniungitis filiis eorum, & filias eorum non accipietis filiis vestris,
 86. & non inquiretis pacem habere cum illis omni tempore, ut invalescentes manducetis optima terræ, & hereditatem distribuatis filiis vestris usque in ævum.
 87. Et quæ contingunt nobis, omnia sunt propter opera nostra maligna, & magna peccata nostra.
 88. Et dedisti nobis talem radicem, & rursum reversi sumus transgredi legitima tua, uti commiseremur immunditiæ alienigenarum gentium terræ huius.
 89. Nonne irascēris nobis perdere nos, quoadusque non relinquatur radix & nomen nostrum?
 90. Domine Deus Israël verax es. Derelicta est enim radix usque in hodiernum diem.
 91. Ecce, nunc sumus in conspectu tuo in iniquitatibus nostris. Non est enim adhuc stare ante te in his.
 92. Et cum adorando confiteretur Esdras, fletus, humi prostratus ante templum, congregati sunt ante eum ex Ierusalem turba magna valde, viri, & mulieres, & iuvenes, & iuencule. Fletus enim erat magnus in ipsa multitudine.
 93. Et cum clamasset, Iechonias Ieheli ex filiis Israël, dixit Esdræ: Nos in Dominum peccavimus, quod collocavimus nobis in matrimonium mulieres alienigenas ex gentibus terræ.
 94. Et nunc es super omnem Israël. In his ergo sit iustitiam à Domino expellere omnes uxores nostras quæ ex alienigenis sunt cum filiis earum.
 95. sicut tibi decretum est à maioribus secundum legem Domini exurgens explica.
 96. Ad te enim spectat negotium, & nos tecum sumus: viriliter fac.
 97. Et exurgens Esdras adiuravit principes sacerdotum & Levitas, & omnem Israël facere secundum hæc, & iuraverunt.

CAPUT IX.

Inbentur abicere uxores alienigenas cum filiis; & recensentur qui ex sacerdotibus ac Levitis iuncti illis erant. Esdras legit legem Domini coram populo; quibus peractis, inbentur ut ad propria digressi, letum diem agant.

1. **E**T exurgens Esdras ab ante atrium templi, abiit in pastophorium Ionathæ filii Nasabi,
 2. & hospitatus illic non gustavit panem, nec aquam bibit super iniquitatem multitudinis.
 3. Et facta est prædicatio in omni Iudæa, & in Ierusalem om-

omnibus qui erant ex captivitate in Ierusalem congregati.
 4. ut quicumque non occurrerit biduo, vel triduo diei secundum iudicium absidentium seniorum, tollerentur facultates suæ, & ipse alienus indicaretur à multitudine captivitatis.
 5. Et congregati sunt omnes qui erant ex tribu Iuda, & Benjamin in tribus diebus in Ierusalem. hic mensis est novus, dies mensis viceſimus.
 6. Et sedit omnis multitudo in area templi trementes, propter hyemem presentem.
 7. Et exurgens Esdras, dixit illis: Vos iniquè fecistis collocantes vobis in matrimonium uxores alienigenas, ut adderetis ad peccata Israël.
 8. Et nunc date confessionem, & magnificentiam Domino Deo patrum nostrorum.
 9. & perficite voluntatem ipsius, & discedite à gentibus terræ, & ab uxoriſ alienigenis.
 10. Et clamavit omnis multitudo, & dixerunt voce magna: Sicut dixisti, faciemus.
 11. Sed quoniam multitudo magna est, & tempus hybernium, & non possumus insubditi stare: & hoc opus non est nobis unius diei, neque bidui: multum enim in his peccavimus:
 12. stent præpositi multitudinis, & omnes qui nobiscum inhabitant, & quotquot habent uxores apud se alienigenas,
 13. & assistant accepto tempore ex omni loco presbyteri, & iudices usquequo solvant iram Domini negotii huius.
 14. Ionathas autem filius Ezeli, & Ozias Thecam susceperunt secundum hæc: & Boforamus, & Levis, & Sabbathæus simul cooperati sunt cum illis.
 15. Et steterunt secundum hæc omnia universi qui erant ex captivitate.
 16. Et elegit sibi viros Esdras sacerdos principes magnos de patribus eorum secundum nomina: & confederunt novilunio mensis decimi examinare negotium istud.
 17. Et determinatum est de viris qui habebant uxores alienigenas, usque ad neomeniam primi mensis:
 18. & inventi sunt ex sacerdotibus permixti qui habebant alienigenas uxores.
 19. Ex filiis Iesu filii Iosedec, & fratribus eius: Maseas, & Eliozerus, & Ioribus, & Ioadetus,
 20. & iniecerunt manus ut expellerent uxores suas: & ad litandum in exorationem, arietem pro ignorantia sua.
 21. & ex filiis Semmeri: Maseas & Elles & Ieelech, Azarias.
 22. & ex filiis Fosere: Limofas, Hismænis, & Nathanee, Iusio, Reddus, & Thallas.
 23. & ex Levitis: Iorabbus, & Semeis, & Colnis, & Calitas, & Faætas, & Coluas, & Elionas.
 24. & ex facris cantoribus, Eliasib, Zaccarus.
 25. & ex ostiariis: Salumus, & Tolbanes.
 26. & ex Israël: ex filiis Foro, Ozi, & Remias, & Geddias, & Melchias, & Michelus, Elcazarus, & Iammebias, & Bannas.
 27. & ex filiis Iolaman: Chamas, & Zacharias, & Iezrelus, & Ioddus, & Erimoth, & Helias.
 28. & ex filiis Zathoim. Eliadas, & Liaſumus, Zochias, & Larimoth, & Zabdis, & Tebedias.
 29. & ex filiis Zebes: Ioannes, & Amanias, & Zabdias, & Emeus.
 30. & ex filiis Banni: Olamus, & Maluchus, & Ieddeus, & Iasub, & Azabus, & Ierimoth.
 31. & ex filiis Addin: Naathus, & Moostas, & Caleus, &

Raanas, Maaseas, Mathathias, & Beseel, & Bonnus, & Mannasses.
 32. & ex filiis Nuæ: Noneas, & Afeas, & Melchias, & Sameas, & Simon, Benjamin, & Malchus, & Marras.
 33. & ex filiis Afom: Carianeus, Mathathias, & Bannus, & Eliphalach, & Manasses, & Semei.
 34. & ex filiis Banni: Ieremias, & Moadias, & Abramus, & Iohel, & Baneas, & Pelias, & Ionas, & Marimoth, & Eliasib, & Mathaneus, & Eliasis, & Orizas, & Dielus, & Semeidus, & Zambris, & Iosephus.
 35. & ex filiis Nobei: Idelus, & Mathathias, & Sabadus, & Zecheda, Sedmi, & Iessei, Baneas.
 36. omnes isti coniunxerunt sibi uxores alienigenas, & dimiserunt eas cum filiis.
 37. Et inhabitaverunt sacerdotes & Levitæ: & qui erant ex Israël in Ierusalem, & in tota una regione novilunio mensis septimi. Et erant filii Israël in commorationibus suis.
 38. Et congregata est omnis multitudo simul in aream, quæ est ab oriente portæ sacræ:
 39. & dixerunt Esdræ pontifici, & lectori, ut afferret legem Moysi, quæ tradita est à Domino Deo Israël.
 40. Et attulit Esdras pontifex legem omni multitudini eorum à viro usque ad mulierem, & omnibus sacerdotibus audire legem novilunio mensis septimi.
 41. Et legebat in area, quæ est ante sacram portam templi, à prima luce usque ad vesperam coram viris & mulieribus. Et dederunt omnes sensum ad legem.
 42. Et stetit Esdras sacerdos, & lector legis super ligneum tribunal quod fabricatum erat.
 43. Et steterunt ad eum Mathathias, & Samus, Ananias, Azarias, Urias, Ezechias, & Balsamus ad dexteram:
 44. & ad sinistram Faldeus, Misaël, Malachias, Abufthas, Sabus, Nabadias, & Zacharias.
 45. Et assumpsit Esdras librum coram omni multitudine: præsidebat enim in gloria in conspectu omnium.
 46. Et cum absolvisset legem, omnes erecti steterunt: & benedixit Esdras Dominum Deum altissimum, Deum Sabaoth omnipotentem.
 47. Et respondit omnis populus, Amen. Et elevatis sursum manibus procedentes in terram, adoraverunt Dominum.
 48. Iesus, & Banaeus, & Sarebias, & Iaddimus, & Accubus, & Sabbathæus, & Calithes, & Azarias, & Ioradus, & Ananias, & Philias Levitæ.
 49. qui docebant legem Domini, & in multitudine legebant legem Domini, & præferebant singuli eos, qui intelligebant lectionem.
 50. Et dixit Atharathes Esdræ pontifici, & lectori, & Levitis, qui docebant multitudinem,
 51. dicens. Dies hic sanctus est Domino. Et omnes stebant, cum audissent legem.
 52. Et dixit Esdras, Digressi ergo manducate pinguisſima quæque & bibite dulcissima quæque & mittite munera his qui non habent.
 53. Sanctus enim est hic dies Domini, & nolite mæsti esse. Dominus enim clarificabit vos.
 54. Et Levitæ denunciabant in publico omnibus, dicentes, Dies hic sanctus est, nolite mæsti esse.
 55. Et abierunt omnes manducare, & bibere, & epulari, & dare munera his qui non habebant, ut epularentur. Magnificè enim sunt exaltati verbis quibus edocti sunt.
 56. & congregati sunt universi in Ierusalem celebrare lætitiã, secundum testamentum Domini Dei Israël.